

Comision SS Oranjestad cu e meta pa instala un monumento pa esnan cu a perde nan bida den guerra mundial

STA. CRUZ -- Aña a habri cu un noticia hopi asombroso pa nos comision, SS Oranjestad Memorial Committee. Como presidente di e organizacion aki mi kier informa lo siguiente:

Dia 13 di April, 2009, nos a lanta un chapaleta di SS Oranjestad na 225 pia cu e meta pa instal'e como un monumento pa recorda tur e tripulantenan cu a perde nan bida dia 16 di Februari, 1942 durante e Segundo Guerra Mundial.

Imediatamente nos a lanta un comision consistiendo di: sres. Dufi Kock como presidente, miembronan y sambayodnan Percy Sweetnam, Andre Loonstra, Paulus Martijn, Dick de Bruin, Toine v/d Klooster, y Rigo Hoenkamp.

Despues e grupo a lanta dos anker, uno a wordo instala caba como un monumento den Marinierskazerne pa recorda e cuatro militarnan, cu a perde nan bida dia 17 di Februari

1942, na momento cu nan tabata dismantela un torpedo na beach di Eagle. E otro anker ta destina pa un monumento na Malmok pa recorda e historia di e barco Aleman Antilla cu e capitan Ferdinand Schmidt a zink pa no entrega esaki na e militarnan Hulandes.

Un storia cu a bira hopi interesante ta esun na aña 2009 di un camera di bao awa cu Dick de Bruin a perde ora e cu Toine v/d Klooster tabata traha riba e anker cu despues a wordo instala den Marinierskazerne. Sr. De Bruin a perde su camera y pa motibo di e hondura di lama e no por a haci

nada y laga e camera bay. Dia 16 di Mei 2010, un U.S. Coastguard, Sr. Paul Schultz di Key West, Florida, a bin encontra e camera.

E siman aki nos a haya un sorpresa ora nos a wordo informa cu e storia ta den e Top Ten di e Underwater Journal na Merca. Mas di 200,000 hende rond mundo a waak e video riba YouTube mientras e tortuga cu a encontra e camera tabata filma su mes te ora cu e bateria di e camera a caba.

Despues di tur e tempo aki ainda Aruba ta hayando un cobertura cu indudablemente lo

contribui tambe na nos turismo. Pa lesa e storia aki, cu ta inclui potret y e video por haci lo siguiente:

1. www.underwatertimes.com

2. Click Underwatertimes.com Top Ten Strangest, Weirdest, and Wildest Underwater

Stories of 2010.

3. Click riba "Man Gets Camera Back After 6 Months and 1100 Miles".

4. Lesa "Camera Survives 1100 Mile Ocean Odyssey to Florida"

